

COMUN: L'ofize dla posta é stlüt cina al 01 de novëmber (-> ultima plata)

Le zënter de reciclaje Alfur sará stlüt en sabeda ai 2 de novëmber.

SANITÉ: Le dotur Eduard Agreiter é demez dai 4 (lönesc) cina ai 7 (jöbia) de novëmber y vëgn sostituí dala doturia Grete Mahlknecht 349 06 67 034

PLOANIES SAN MARTIN Y LUNGIARÜ

Invit ala preparaziun dl Bato, sabeda, ai 9 de novëmber, dales 15.00 - 17.00, a San Ciascian te calonia por aprofondí chësc sacramënt, presenté le ritus y splighé i simboi dl Bato. Prëibel se prenoté pro Lucia 334 32 00 396.

„Da fängt der Himmel an...“ é le moto dla proscima „Pilgerwanderung“ sön Chi Jus d'Alfarëi. I s'incuntun en dedolönesc, ai 5 de novëmber, dales 10.00, sön Pe de Börz. Düc/Dötes che gniss ion dess prëibel s'anunzié pro Renate Pescolderung 338 13 00 787 (ince en whatsapp vá bun).

Ai 6 y ai 7 de novëmber baiará a San Martin la monia Teresa Zukic de "Abenteuerland Kindergottesdienste" y "Lebe, lache, liebe und sag den Sorgen gute Nacht" - *plü avisa tla proscima plata.*

SAN MARTIN

En lönesc, 28 d'otober, dales 8.00 inant, y ince domisdé sc'al ó ester, vëgnel puzené l'apartamënt dla calonia: Chi/chères che á dlaurela é dër bel peria/periades da gní a daidé, ince ma por n valgönes ores. Prëibel, - sc'al s'abina n bel grup, jissera saurí y snel. *Le consëi de cöra*

La domënia, ai 10 de novëmber, festejunse indô la festa da San Martin, al vëgn ince tut ite i sorvidus y les sorvidësses nöies. Do la gran mëssa (che sará plü dessigü bele dales 8.15) s'abinunse indô düc ia tl gran salf a sté n pü' adöm pro val' da mangé y de beles cianties. Gnide tröc y tröpes.

LUNGIARÜ

Le Cor de Dlijia tëgn indô le marcé de Santa Lizia. Porchël prëiel dër bel da arjigné ca val' patüc da vëne. Prëibel y dilan bele damperfora.

LNB Motion - ginastica posturala cun Marisa Clara 7 iadi (-> ultima plata)

Le Consëi de Formaziun La Val inviëia ala sëra d'informaziun dal titul "Desgropé nüsc conflic por deplü cualité te nosta vita" cun le referënt Simon Kostner. En lönesc, ai 28 d'otober, dales 20.00, tl pice salf de comun.

Le Museum Ladin Ciastel de Tor inviëia al'ultima vijita menada dla mostra Countdown to Mass Extinction? cun Herwig Prinoth incö domënia, 27/10, dales 15.00 por todësch y dales 16.00 por talian. Prëibel prenotesse *prenotaziuns@musemladin.it* o 04740524020. Le cost é de 10 euro.

La Uniun Teater La Ila ves inviëia da gní al teater da rí "Lüch Col Plat" en sabeda 02/11 dales 20.30, domënia 03/11 dales 17.00, mercui 06/11 dales 20.30, vëndres 08/11 y sabeda 09/11 dales 20.30 y domënia 10/11 dales 17.00. Prenotaziuns: 333 25 25 740.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

27.10 - 03.11.24 n. 48

termo por comunicaziuns: jöbia, dales 20.00



30ª DOMËNIA IA POR L'ANN B

Vangele do san Merch 10, 46-52

Canche Gejù â lascè Ierico cun sü discepui y cun na gran meja de jënt, êl n petler verc sentè sön ur de strada, Bartimëus, le fi de Timëus. Canch' al â aldì, ch' al ê dailò Gejù da Nàzaret, àl metü man da scraié dadalt: Fi de Davìde, Gejù, mënete picé de mè! cTröc le bruntorâ ch' al dô scuté. Mo al scraiaî ciamò plü dassënn: Fi de Davìde, mënete picé de mè! Gejù é stè chit y à dit: Cherdédele ca! Ai à cherdè le verc y ti à dit: Ais coraje, lê sö, al te chërda. Dailò àl sciuré demez so mantel, é saltè sö y ti é jü pomez a Gejù. Al l' à damanè: Cî dessi pa fa por tè? Le verc à respognü: Rabuni, ch' i pois indô odëi. Dailò ti à Gejù dit: Va! Tüa fede t' à salvè. Te chël momënt àl indô odü, y al ti é jü do a Gejù sön so tru.



L'inom "Rabuni" vëgn ma dant dui iadi tl Testamënt Nü.

Pro Maria Magdalena, olach' ara reconësc Gejù tl ortulan dlungia le sepolcher, che ti dij plëna de confidënza "Rabuni" mi maester.

Y ince tl vangele da incö se tratera de na incuntada dër sota y sintida.

Le petler verc dan la porta dla cité se dá adintëne cun süa usc sterscia y te so gran dejier da podëi indô odëi.


Insciö s'incunta Gejù cun le petler y Gejù le damana: Ci dessi pa fá por te?

Dessigü sá Gejù ci che n verc se dejidreia: Podëi odëi y ester pro la jënt.

Damanan insciö vá Gejù ite te n contat dër sot cun Bartimeus, sciöch' al oress aldí dal verc instëss ci che ti stá a cör.

Y Bartimeus ti dij cun döta la confidënza "Rabuni" mi maester.

Y al injuntëia: I oress indô podëi odëi. Ci gran crëta te chël che é bun y ó le varí!

EDEMA - B	SAN MARTIN	LUNGIARÜ	LA FESTA DE GNISSANT
27.10.24 30^a DOMËNIA - B <i>ora da d'invern</i>	8.30 Corona 9.00 Liturgia dla Parora de Dî	7.50 1 ^a pert Adoraziun 8.15 Liturgia dla Parora de Dî dedô 2 ^a pert Adoraziun	<p>LA FESTA DE GNISSANT</p> <p>nes deura na odlada ite tla Cité Santa, nosta patria, tla Ierusalem divina, sön nüsc fredesc y nostes sorus che é bele rová ala perfeziun. (<i>Prefaziun</i>)</p> <p>Gnissant é na festa de racoiüda di früc dl mister de Pasca. (<i>Adolf Adam</i>)</p> <p>Al é la festa de Pasca dl altonn, olache la Dlijia festejëia la vita nöia te Dî, che i sanc á arjunt y che ti é impormetüda a düc i cristians.</p> 
28.10.24 <i>Scimun y Iüda ap.</i> Lönesc			
29.10.24 <i>Ermelinda, Iazint</i> Dedolönesc	<i>degöna funziun</i>	16.00 Corona tla capela S. Ojöp Fr.	
30.10.24 <i>Bornert, Fonjo</i> Dedemesaledema	18.00 Corona d'otober	<i>degöna funziun</i>	
31.10.24 <i>Wolfgang, Luzila</i> Jöbia			
01.11.24 Vëndres GNISSANT	10.00 Mëssa solëna en onú de Düc i Sanc + siur Franz Aiarei, dl ann (<i>siur Klaus</i>) + Giovanni Unterweger + Pasquale Schuen, dl ann + Davide Costalunga, dl ann 14.00 Mëssa y comemoraziun di defunc y vijita te cortina (<i>pater Franz</i>) ++ Giovanni y Perpetua Rubatscher + Paula Paraza, dl ann +++ Otto y Augustin Clement y Paula Pedevilla 18.30 Rosare por i defunc	7.50 Corona (<i>siur Klaus</i>) 8.15 Mëssa solëna en onú de Düc i Sanc 14.00 Öspi y vijita te cortina 19.30 Corona por i defunc	<p><i>Por düc tü sanc, oh Dî, dilan dijunse y te laldun dadalt por tüa bunté. Te ëi tüa opra amiré podunse, i früc che tüa parora á porté.</i></p> <p><i>Ai á aldi la usc de tüa cherdada y prô te dôt da fá tüa orenté y ciafa dal perié contënc la forza por le sorvisc tla vita da gnidé.</i></p> <p><i>Ai vá danfora por le tru dla vita fedei tla löm de to comandamënt, porsecuziuns apëna i archîta, incuntra a to rëgn ch'ai á imënt.</i></p> <p><i>Beac i debli, maltratá y püri che n'é nia bugn da fá varëi so dërt, che prô da vijiné, en pesc da vire y t'intenziun mantëgn so cör bel nët.</i></p>
02.11.24 <i>Angela, Tobia</i> Sabeda De dles Animes	8.00 Mëssa dl de dles Animes + Tarina Ferdigg Moling de Gröpa, dl ann ++ frater Martin y frater Felix Ploner + Giovanni Tavella <i>degöna mëssa prefestia</i>	19.00 Corona por i defunc 19.30 Mëssa y vijita te cortina por les püres Animes dl purgatore + Vito Clara, Somví por i defunc de Giovanni Chiusura dl ann ++ Giovanni y Lidvina Costa	<p><i>Beac i bugn che ne conësc violënza, saurisc y arjigné da pordené y chi che sot al pëis de gran tristëza a te s'á rassegné te so pené.</i></p> <p><i>A chisc che é daverc a tüa noéla, ti oste surandé le rëgn dl cil, y n'á le cör taché ai bëgns dla tera; chisc é tü fis che pó t'odëi, oh Dî. (LS 566)</i></p>
03.11.24 31^a DOMËNIA - B	9.30 Corona por vocaziuns (<i>siur Klaus</i>) 10.00 Gran Mëssa por la comunité por i amará de nosta ploania por i tomá te vera + Franz Planatscher	7.50 Corona (<i>siur Klaus</i>) 8.15 Gran Mëssa por la Comunité + pater Robert Miribung aniv. ++ ysiur Fonjo y suor Floriana Clara + Sep1 Chiusura	
Döt le bun a chi che complësc i agn de novëmber			
a San Martin	Ida Frenner che nen complësc 84 ai 2 Pire Graffonara che nen complësc 92 ai 8 Ida Aiarei Moling che nen complësc 86 ai 29	